

四庫全書

史部

欽定四庫全書

史部

水經注集釋訂訛卷三十

詳校官監察御史_臣周元良

刑部郎中_臣許兆椿覆勘

總校官原任中允_臣王燕緒

校對官中書_臣吳裕德

謄錄監生_臣范墉

欽定四庫全書

水經注集釋訂訛卷三十

歸安沈炳巽撰

淮水

淮水出南陽平氏縣胎簪山東北過桐柏山

禹貢曰導淮自桐柏

傳曰桐柏山在南陽之東地理志曰桐柏山在南陽平氏縣東南淮水所出水經云出胎簪山東北過桐柏山胎簪蓋桐柏之旁小山也傳氏曰胎簪即桐柏也後世又別名之耳禹貢導淮自桐柏不應桐柏非淮所出今其山在唐州桐柏縣胡渭曰桐柏見葉山今河南南陽府桐柏縣西北四十里有平氏故城漢縣也胎簪山

寰宇記云在桐
柏西北三十里

山海經曰淮出餘山在朝陽東義鄉西尚書導淮自
桐柏地理志曰南陽平氏縣王莽之平善也風俗通
曰南陽平氏縣桐柏大復山在東南淮水所出也淮
均也春秋說題辭曰淮者均其勢也釋名曰淮韋也
韋繞揚州北界東至于海也爾雅曰淮為潁然淮水
與醴水同源俱導西流為醴東流為淮自潛流地下
三十許里東出桐柏之大復山南謂之陽口水南即

復陽縣也閼駟言復陽縣胡陽之樂鄉也

元帝元延二年置在桐柏大復山之陽故

曰復陽也

禹貢錐指云今河南南陽府新野縣西有朝陽故城桐柏縣東有復

陽故城漢並屬南陽郡醴水西流逕平氏故城東北又西至唐縣界而入泚水以今輿地

言之淮水出桐柏縣西北桐柏山東南流逕其縣南禹貢所謂導淮自桐柏者也東

觀漢記曰朱祐少孤歸外家復陽劉氏山南有

淮源廟前有碑是南陽郭苞立又二碑並是漢延

熹中守令所造文辭鄙拙殆不可觀故經云東北

過桐柏也

淮水又東逕義陽縣

今為河南汝寧府信陽州

縣南對固成山山有水注流數丈洪濤灌山遂成巨井謂之石泉水北流注于淮

淮水又逕義陽縣故城南

義陽郡治也世謂白茅城其城圓而不方闕駟言

此下

原本訛以東逕安陽縣故城南注江國也起至北逕青山止接此今從朱本改正

晉太始中

割南陽東鄙之安昌平林平氏義陽四縣置義陽郡

于安昌城

在今信陽州西北七十里

又太康記晉書地道記並有

義陽郡以南陽屬縣為名漢武帝元光四年

按史記表當作

元狩四年

封北地都尉衛山為侯國也有九渡水注之水

出雞翅山

明一統志雞翅山在汝寧府信陽縣南九十里一名雞頭山山有九渡水磳澗

潛委汧遡九渡矣其猶零陽之九渡水故亦謂之為

九渡焉於溪之東山有一水發自山椒下數丈素湍

直注頽波委壑可數百丈望之若霏幅練矣下注九

渡水九渡水又北流注于淮

東過江夏平春縣北

今信陽州東南有平陽故城本後漢平春縣

淮水又東油水注之

水出縣西南油溪東北流逕平春縣故城南漢和帝

建初四年封子全為王國淮水又東曲岍北有一土

穴徑尺泉流下注汭流波三丈入于油水亂流南屈

又東北注于淮淮水又東北逕城陽縣故城南漢高

帝十二年封定侯奚竟為侯國

史表高帝十二年封奚意為成陽侯今云

奚竟誤

王莽之利新也魏城陽郡治

按漢志汝南郡有成陽縣

淮水又東北與大木水合

水西出大木山山即晉車騎將軍祖逖自陳留將家避難所居也其水東逕城陽縣北而東入于淮

淮水又東北流左會湖水

傍川西南出窮溪得其源也

淮水又東逕安陽縣故城南

江國也

此注原本訛在前
今從朱本改正

嬴姓矣今其地有江亭春

秋文公四年楚人滅江秦伯降服出次曰同盟滅雖

不能救敢不矜乎地理志曰漢乃縣之呂后八年封

淮南厲王子劉勃為侯國

按史漢表是文帝八年今云呂后誤

王莽之

均夏也

淮水又東得澚口水

澚水在信陽縣治南源自隨州界流入大江

源南出大潰山東北流翼帶三川亂流北注澚水又

北逕賢首山西又北出東南屈逕仁順城南故義陽

郡治分南陽置也晉太始初以封安平獻王孚長子

望

晉書宗室傳司馬望魏封順城侯武帝受禪進封義陽王

本治在石城山上因

梁希侵逼徙治此城齊司州刺史馬鮮卑

何氏云馬鮮卑南史

作仙琕為司州在梁時

不守魏置郢州也昔帝

宋本帝作常常珍奇本宋司州

刺史降魏為豫州刺史復叛魏謀南奔為魏將元石所破事具魏書

珍奇自懸瓠遣三

千騎援義陽行事龐定光屯于澗水者也澗水東南

流歷金山北山無樹木峻峭層峙澗水又東逕義陽

故城北城在山上因倚陵嶺周迴三里是郡昔所舊

治城城南一十五步對門有天井周一百餘步深一

丈東逕鍾武故城南本江夏之屬縣也王莽之當利

縣矣又東逕石城山北山甚高峻史記曰魏攻冥阨

音義曰冥阨或言在鄆縣箱山也按呂氏春秋九塞

其一也澠水逕鄆縣故城南

鄆縣故城在今汝寧南羅山縣西南百二十里

黃峴關外

建武中世祖封鄧邯

後漢書鄧彪傳鄧邯禹之宗彪之父

為鄆縣

侯按蘓林曰音育

按漢志江夏郡鄆縣蘓林音育師古曰音萌又音莫耿反今云音育

誤澠水又東逕七井岡南又東北注于淮淮水又東

至谷口谷水南出鮮金山北流至

疑訛

至瑟水注之

水出西南具山東北逕光淹城東而北逕青山東羅

山西東北流注于谷水谷水東北入于淮

又東逕新息縣南

今屬汝寧府

淮水東逕故息城

在今新息縣北三十里

南春秋左傳隱公十

一年鄭息有違言息侯伐鄭鄭伯敗之者也

淮水又東逕浮光山北

在今汝寧府光山縣北八十里

亦曰扶光山即弋山也逕新息縣故城南應劭曰息後徙東故加新也王莽之新德也光武十九年封馬援為侯國外城北門內有新息長賈彪廟前有碑

面南又有魏汝南太守程堯碑魏太和中蠻田益宗
効域立東豫州以益宗為刺史淮水又東合慎縣水

水出慎陽縣西而東逕慎陽縣故城南縣取名焉慎陽

故城在今汝寧府真陽縣北四十里漢志慎陽下應
劭曰慎水出東北入海師古曰慎字本作滇音真後
誤為慎耳今猶有真邱真陽縣字並從單作真知此
音不改也關駟云永平五年失印更刺遂誤以水為

心漢帝當作高帝十一年封欒說為侯國賴陰劉陶為縣

長政化大行道不拾遺以病去官童謠歌曰悒然不
樂思我劉君何時復來安此下民見思如此應劭曰

慎水所出東北入淮慎水又東流積為焦陂陂水又

東南流為上慎陂又東為中慎陂又東南為下慎陂

皆與鴻郗

胡引作郗

陂水散流

鴻郗陂又名鴻池陂宋秦觀曰鴻池陂非特灌溉之

利菱芡蒲魚之饒實一郡瀦水處也陂既廢水無歸宿汝水所以散漫為害矣其陂首受淮

川左結鴻陂陂漢成帝時翟方進奏毀之建武中汝南

太守鄧晨欲修復之知許偉君曉知水脉召與議之

偉君言成帝用方進言毀之尋而夢上天天帝怒曰

何故敗我濯子淵是後民失其利時有童謠曰敗我

陂翟子威及子覆陂當復明府興復廢業童謠之言

將有徵矣

後漢書鄧晨傳晨為汝南太守興鴻郤陂數千頃田汝土以殷魚稻之饒流行他郡

注曰鴻郤陂今豫州汝陽縣東成帝時關東水波溢為害翟方進為丞相奏罷之又漢書翟方進傳汝南

舊有鴻隙大陂郡以為饒成帝時關東數水陂溢為害方進為相與御史大夫孔光共遣掾行視以為決

去陂水其地肥美省隄防費而無水憂遂奏罷之及翟氏滅鄉里歸惡言方進請陂下良田不得遂奏罷

陂云王莽時常枯旱郡中追怨方進童謠曰壞陂誰翟子威飯我豆食羹芋魁反乎覆陂當復誰云者兩

鵠遂署都水掾起塘四百餘里百姓得其利陂水散

流下合慎水而東南逕息城北又東逕南入淮謂之

慎口淮水又東與申陂水合水上承申陂于新息縣
北東南流分為二水一水逕深丘西又屈逕其南南
派為蓮湖水南流注于淮淮水又左迤流結兩湖謂
之東西蓮湖矣

淮水又東右合壑水

水出白沙山東北逕柴亭西俗謂之柴水又東北流
與潭溪水合水發潭谷東北流右會柴水柴水又東
逕黃城在今光州西十二里西故弋陽縣也城內有二城西即

黃城也柴水又東北入於淮謂之柴口也

淮水又東北申陂枝水注之

水首受陂水于深丘北東逕釣臺南臺在水曲之中

臺北有琴臺又東逕陽亭南東南合淮

淮水又東逕淮陰亭北又東逕白城南

在今息縣東

楚白公勝之邑也又東北去白亭一十里

淮水又東逕長陵戍南又東青陂水注之

今息縣東北八十里

陵城疑即長陵戍也
新蔡縣西南有青陂

分青陂東瀆東南逕白亭西又南於長陂戍東東南入于淮

淮水又東北合黃水

水出黃武山東北流木

胡引穆陵關水注之木陵關今在光山縣

水導木陵山西北流注于黃水黃水又東逕晉西陽

城南又東逕南光城南光郡治又東北逕高城南故

弦高國也又東北逕弋陽郡

弋陽郡今為光州

東有虞丘郭

南有子相廟黃水又東北入于淮謂之黃口淮水又

東北逕褒信縣故城南

褒信故城在今息縣東北本漢郾縣地

而東注

流之者也

又東過期思縣北

今固始縣北七十里有期思故城

縣故蔣國周公之後也春秋文公十年楚王田于孟

諸期思公復遂為右司馬楚滅之以為縣漢高帝十

二年以封賁赫為侯國城之西北隅有楚相孫叔敖

廟廟前有碑

淮水又東北淠

胡引水注之 一作淠 固始縣南五十里有淠水

水出弋陽縣南垂山西北流歷陰山關逕二城間舊
有賊難軍所謂疑行頓防西北出山又東北流逕新
城戍東又東北得詔虞水口西北去弋陽虞丘郭二
十五里水出南山東北流逕詔虞亭東而北入淝水
又東北注淮俗曰白鷺水

東過原鹿縣南

原鹿縣故城在今江南潁州南汝水篇云汝水出魯陽縣之大孟山東南流逕

原鹿縣故城西而南入于淮所謂汝口

汝水從西北來注之

縣即春秋之鹿上也左傳僖公二十一年宋人為鹿

上之盟以求諸侯于楚建武十五年世祖更封侍中
執金吾陰鄉侯陰識為侯國者也

又東過廬江安豐縣東北決水從北來注之

按今江南鳳陽府霍

丘縣西南有安豐故城決水在縣西八十里與河南固始縣分界

廬江故淮南也漢文帝十六年別以為國應劭曰故
廬子國也決水自舒蓼北注不於北來也安豐東北
注淮者窮水矣又非決水皆誤耳

淮水又東谷水入焉

水上承富水東南流世謂之谷水也東逕原鹿縣故城北城側水南谷水又東逕富陂縣故城北俗謂之城間亭非也地理志曰汝南郡有富陂縣建武二年

世祖改封平鄉侯王霸為富陂侯

按漢志汝南郡作富波後漢書郡國

志及王霸傳亦俱作富波陂與波古字通用如史記貨殖傳木居十石魚陂又灌夫傳陂池田園漢書俱作波此一證也十三洲志曰漢和帝永元九年分汝陰置多

陂塘以溉稻故曰富陂縣也谷水又東于汝陰

今潁州治

城東南注

注下當有淮字

淮水又東北左會潤水

水首受富陂東南流為高塘陂又東積而為陂水東

注焦陵陂陂水北出為鮑陂陂水潭漲引瀆北注汝

陰四周隍塹下注潁水焦湖東注謂之潤水逕汝陰

縣東逕荆亭北而東入

下當有于淮字

淮水又東北窮水入焉

今霍丘西有窮水

水出六安國安豐縣窮谷春秋左傳楚救濇司馬沈

尹戌與吳師遇于窮谷者也川流泄注于決水之右

北灌安豐之左世謂之安豐水亦曰窮水音戎並聲
相近字隨讀轉流結為陂謂之窮陂塘堰雖淪猶用
不輟陂水四分農事用康北流注于淮京相璠曰今
安豐有窮水北入淮淮水又東為安豐津水南有城
故安豐都尉治後立霍邱戍淮淮中有洲俗號關洲
蓋津關所在故斯洲納稱焉魏書國志有曰司馬景
王征毋丘儉使鎮西將軍豫州刺史諸葛誕從安豐
津先至壽春儉敗與小弟秀藏水草中安豐津都尉

部民張屬斬之傳首京都即斯津也

又東北至九江壽春縣西泚水洪水合北注之又東潁

水從西北來流注之

潁水篇云潁水出潁川陽城縣西北少室山東南流逕蜎蜎郭東俗

謂之鄭城又東南入于淮春秋昭公十二年楚子狩于州來次于潁尾蓋潁水之會淮也按鄭城即潁上故城

在今潁上縣南

淮水又東左合泚口

禹貢錐指云按漢志濡縣泚山泚水所出北至壽春入芍陂師

古曰泚音比又音布凡反水經誤作泚互改正炳巽按此二字似可互用說見前二十九卷

又東

逕中陽亭北為中陽渡水流淺磧可以厲也

淮水又東流與潁口會東南逕倉陵北又東北流逕壽

春縣故城西

壽春故城即今鳳陽府壽州治

縣即楚考烈王自陳徙此秦始皇立九江郡治此兼得廬江豫章之地故以九江名郡漢高帝四年為淮南國孝武元狩六年復為九江焉文潁曰史記貨殖傳曰淮以北沛陳汝南南郡為西楚彭城以東東海吳廣陵為東楚衡山九江江南豫章長沙為南楚是為三楚者也

淮水又北左合椒水

水上承淮水東北流逕虵地南又厯其城東亦謂之清水東北流注于淮水謂之清水口者左合椒水焉又東過壽春縣北肥水從縣東北流注之

淮水於壽陽縣西北肥水從城而北入于淮謂之肥

口肥水在今壽州東北十里自合淮水又北夏肥水肥水來注于淮州志謂之東肥

注之夏肥水在壽州西北州志謂之西肥河東流至下蔡故城西南十里入淮水上承沙

水於城父縣右出東南流逕城父縣故城南王莽之

思善也縣故焦夷之地春秋左傳昭公九年楚公子棄疾遷許于夷實城父矣取州來淮北之田以益之伍舉授許夷田杜預曰此時改城父為夷故傳實之者也言夷田在濮水西者也然則濮水即沙水之兼稱得夏肥之通目矣漢桓帝永壽元年封大將軍梁冀孫桃為侯國者也

按梁統傳永興二年封桃為城父侯夏肥水自縣

又東逕思善縣之故城南漢章帝章和三年分城父立夏肥水又東為高陂又東為天淙陂水出分為二

流南為肥水北為雞陂夏肥東流左合雞水水出雞陂東為黃陂又東南流積為茅陂又東為雞水呂氏春秋曰宋人有取道者其馬不進投之雞水是也雞水又會肥水而亂流東注俱入于淮

淮水又北逕山硤中謂之硤石

按硤石山在壽州西北夾淮為險在西岸者屬

下蔡在東岸者屬壽春明省下蔡入壽州故一統志云在州西北二十五里

對岸山上結二城以防津要西岸山上有馬跡世傳淮南王乘馬昇仙所在也今山之東南石上有大小

馬跡一十餘所今仍存焉淮水又北逕下蔡縣故城

東本州來之城也吳季札始封延陵後邑州來故曰

延州來矣春秋襄公二年蔡成公自新蔡遷于州來

謂之下蔡也

按左傳蔡遷州來是哀公二年今云襄公誤傳云吳洩庸如蔡納聘稍納師師

畢入甯知之蔡侯告大夫殺公子駒以說哭而遷墓冬蔡遷于州來又史記管蔡世家蔡昭侯二十六

年楚昭王伐蔡蔡告急于吳吳為蔡遠約遷以自近易以相救昭侯私許不與大夫計吳人來救蔡因遷

蔡于州來二十八年昭侯將朝于吳大夫恐其復遷乃令賊利殺昭侯而立昭侯子朔是為成侯則遷州

來者乃昭侯非成侯且蔡淮之東岸又有一城下蔡

無稱公者今云成公亦誤

新城也二城對據翼帶淮瀆淮水東逕八公山北

八公

山在壽州北少東淮水之南寰宇記云一名肥陵山淮南王安與其賓客八公俱登此山學仙今山有安時故臺及石

上有人馬跡

山上有老子廟淮水厯潘城南置潘溪

戍戍東側潘溪吐川納淮更相引注又東逕梁城臨

側淮川川左有湄城淮水左迤為湄湖淮水又右納

洛川於西曲陽縣北水分閭溪北絕橫塘北逕蕭亭

東又北鵲甫溪水入焉水出東鵲甫谷西北流逕鵲

甫亭南西北流注于洛水北逕西曲陽縣故城東

西曲

陽城在壽州東
北八十三里

王莽之延平亭也應劭曰縣在淮曲

之陽下邳有曲陽故是加西也洛澗北歷秦墟下注
淮謂之洛口經所謂淮水逕壽春縣北肥水從縣東
北注者也蓋經之謬矣考川定土即實為非是曰洛
澗非肥水也

淮水又北逕莫耶山西

今鳳陽府西
南有莫邪山

山南有陰陵縣故城

在定遠縣西
北六十里

漢高祖五年項羽

自垓下從數百騎夜馳渡淮至陰陵迷失道左陷大

澤漢令騎將灌嬰以五千騎追及之于斯縣者也按地理志王莽之陰陸也後漢九江郡治時多虎災百姓苦之南陽朱均為守退貪殘進忠良虎悉東渡江後漢書宋均傳均為九江太守郡多虎暴數為害均退姦貪進忠善虎相與東游渡江今云朱均固誤而朱謀璋引趙明誠金石錄及謝承漢書云當作宗尤為妄誕豈正史不可信而反信他書耶

又東過當塗縣北過

胡引作過

水從西北來注之

淮水自莫耶山東北逕馬頭城北魏馬頭郡治也故

當塗縣之故城也

當塗故城在今鳳陽府懷遠縣東南八里淮河東岸

渦水在縣北一里渦與過同

呂氏春秋曰禹娶塗山氏女不以私

害公自辛至甲四日復往治水故江淮之俗以辛壬

癸甲為嫁娶日也禹娶在山西南縣即其地也地理

志當塗侯國也魏不害以宰守尉捕淮陽反者公孫

勇等漢以封之

按史表魏不害以圉守尉捕淮陽反者公孫勇等封當塗侯此云宰守尉

誤當從表作圉按地志圉縣屬淮陽國

王莽更名山聚也

淮水又東北濠水注之

在今懷遠縣南謂之西濠水

水出莫耶山東北之溪溪水西北引瀆逕禹墟北又

西流注于淮

淮水又北沙水注之

按沙水在懷遠縣南渠水篇云沙音蔡許慎正作沙音言水散石也

漢志沛郡有義成縣其故城在懷遠縣東北十五里今名拖城魏收志云汴水在大梁城東分為蔡渠即今祥符縣東南首受汴之蔡河蔡與沙字異而音近當讀如二百里蔡之蔡

經所謂浪蕩渠也淮之西有平阿縣故城王莽之平

寧也建武十三年世祖更封耿阜為侯國

按耿阜乃耿純之子

按純本傳純卒阜嗣侯但純初封耿鄉侯世祖即位更封高陽侯後定封東光侯從無平阿之封阜嗣侯之後徙封莒鄉侯亦不封

平阿不知此句何所本也

郡國志曰平阿縣有當塗

山淮出于荆山之左當塗之右奔流二山之間西楊

胡引作
而揚

濤北注之春秋左傳哀公十年

按左傳是七
年今云十年

誤大夫對孟孫曰禹會諸侯于塗山執玉帛者萬國
杜預曰塗山在壽春東北非也余按國語曰吳伐楚
隳會稽獲骨焉節專車吳子使來聘且問之客執骨
而問之敢問骨何為大仲尼曰丘聞之昔禹致羣神
于會稽之山防風氏後至禹殺之其骨專車此為大
也蓋丘明親承聖旨錄為實証矣又按劉向說苑辯

物王肅之叙孔子

宋本孔子下有廿二兩字

世孫孔猛所出先人

書家語並出此事故塗山有會稽之名考校羣書及

方士

一作土

之目疑非此矣蓋周穆之所會矣淮水于

荆山北過水自南注之又東北逕沛郡義城縣東司

馬彪曰後隸九江也

又東過鍾離縣北

明一統志鍾離城在鳳陽舊府城東六里晉縣屬淮南郡

錐指注云今

臨淮縣有鍾離故城濠水在縣西元和志謂之東濠水

世本曰鍾離嬴姓也應劭曰縣故鍾離子國也楚滅

之以為縣春秋左傳所謂吳公子光伐楚拔鍾離者也王莽之蠶富也濠水出陰陵縣之陽亭北小屈有石穴不測所窮言穴出鍾乳所未詳也濠水東北流逕其縣西又屈而南轉東逕其城南又北厯其城東逕小城而北流注于淮

淮水又東逕夏邱縣南

今為鳳陽府虹縣

又東渙水西入九里注之渙水又東南流逕離丘縣

今為開封府杞縣

故城南又東逕承匡城又東逕襄邑縣故

城南

今為歸德府睢州

故宋之承匡襄牛之地宋襄公之所

築故子

疑當作號

襄陵矣

漢志襄邑下師古引圈稱曰襄邑宋地本承匡襄陵鄉也宋襄

公所塋故曰襄陵秦始皇以承匡卑濕故徙竹書紀
縣于襄陵謂之襄邑縣西三十里有承匡城

年梁惠成王十七年宋景公

竹書作鼓

衛孫公

竹書作倉

倉

會齊

竹書無齊字

師圍我襄陵十八年惠成王以韓師諸

侯師

竹書作帥

于襄陵縣齊侯使楚景舍來求成公會齊

宋之圍即于此也西有承匡城春秋會于承匡者也

秦始皇以承匡卑濕徙縣于襄陵更為襄邑也王莽

以為襄平也漢桓帝建和元年封梁冀子胡狗為侯

國

後漢書梁統傳建和元年封冀子胤襄邑侯今云胡狗豈即胤耶

陳留風俗傳曰

縣南有渙水

按渙水今謂之澮河

故傳曰睢渙之間出文章天

子郊廟御服出焉尚書所謂厥篚織文者也渙水又

東南逕已吾縣故城南

在今開封府寧陵縣西南三十里

又東逕鄆

城北春秋襄公元年經書晉韓厥帥師伐鄭魯仲孫

蔑會齊曹邾杞次于鄆杜預曰陳留襄邑縣東南有

鄆城渙水又東南逕鄆城北新城南又東南左合明

溝溝水自蓬洪陂東南流謂之明溝下入渙水又逕

亳城北

在歸德府城東南四十里

帝王世記曰穀熟為南亳即湯

都也十三洲志曰漢武帝分穀熟置春秋莊公十二

年宋公子御說奔亳者也渙水東逕穀熟城南漢光

武建武二年封更始子歆為侯國又東逕楊亭北春

秋左氏傳襄公十二年楚子囊秦世長無地伐宋師

于楊梁以報晉之取鄭也京相璠曰宋地矣今睢陽

東南三十里有故楊梁今曰陽亭也俗名之曰緣城

非矣西北去梁國八十里渙水又東逕沛郡之建平

縣故城南漢昭帝元年

當作元鳳元年

封社延年為侯國王

莽之曰

當是田

平也又東逕鄆縣故城南春秋襄公十

年公會諸侯及齊世子光于鄆

按左傳皆作會祖無會于鄆之文查漢書

地理志沛郡有鄆縣註云本作鄆音嵯王莽改曰贊治故遂以鄆為鄆又祖字古文作鄆則此當作鄆明

矣今其地鄆聚是也王莽之贊治矣渙水又東南逕

費亭南漢建和元年封中常侍沛國曹騰為侯國騰

字季興譙人也永初中定桓帝策封亭侯此城即其

所食之邑也渙水又東逕鉅縣故城南昔吳廣之起

兵也使葛嬰下之渙水又東苞水注之出譙城北自

疑訛

汀陂陂水東流逕鄮縣南

故城在今永城縣西南

又東逕

鄮縣故城南漢景帝中元年封周應為侯國

按表是周繆子

周昌

王莽更之曰留

漢志作單

城也音多

按漢書周繆傳景帝中元元年

封繆子應為鄮侯繆林注音多寒反史記繆傳索隱引繆林注竟云音多至兩表則并蘇林亦不引直曰

音多遂至漢志沛郡鄮縣下孟康亦曰音多逮至宋世丁度集韻竟妄造一當何反後之字書無不因之

愚意志表傳皆是多寒反緣唐以前尚無刊本傳寫時漏去寒反二字後之刻者不復考校竟承其誤所

幸者藕林之原注尚存索隱之引蘇林可證若果音
多何以彼此互異其為遺漏無疑獨怪道元去蘇林
未遠何以水經注亦但曰音多豈漢志在元魏時
已漏去寒反二字道元據之而不及檢漢傳耶 又

東逕嵇山北嵇氏故居嵇本姓奚會稽人也先人自

會稽遷于譙之銍縣故為嵇氏取稽字之上以為姓

蓋志本也嵇氏譜曰譙有嵇山家于其側遂以為氏

縣魏黃初中文帝以鄮城父山桑銍置譙郡故隸譙

焉苞水東流入渙渙水又東南逕鄮縣故城南

漢志作鄮

屬沛郡鄮地理志曰故垂鄉也漢高帝破黥布於此

縣舊都尉治王莽之蘄城也水上有古石梁處遺基
尚存渙水又東逕穀陽縣右會八丈故瀆瀆上承洌
水南流注于渙渙水又東逕穀陽戍南又東南逕穀
陽故城東北右與解水會水上承縣西南解塘東北
流逕穀陽城南即穀水也應劭曰城在穀水之陽又
東北流注于渙水渙水又東南逕白石戍南逕蛭胡
虹城南洌水注之水首受蘄水于蘄縣東南流逕穀
陽縣八丈故瀆出焉又東合長直故溝溝上蘄水南

會于汶汶水又東南流于汶縣故城北縣有垓下聚

漢高祖破項羽所在也王莽更名其縣曰育城應劭

曰汶水所出音絞經之絞也汶水又東南入于淮故

應劭曰汶水南入淮淮水又東至嶠石山

嶠石山在鳳陽府五

湖縣東與泗水接界潼水注之水首受潼

漢志作潼縣西南潼陂漢

志作潼今虹縣東縣故臨淮郡之屬縣王莽改曰成

信矣南逕沛國夏丘縣

今鳳陽府虹縣

絕嶺逕夏丘縣故城

西王莽改曰歸思也又東南流逕臨潼戍西又東南

至巉石西南入淮

淮水又東逕浮山

在今盱眙縣西

山北對巉石山梁氏天監中立堰于二山之間逆天

地之心乖民神之望自然水潰淮矣

梁書康絢傳魏降人王足陳計

求堰淮水以灌壽春曰荆山為上格浮山為下格高

祖然之發徐揚人率二十戶取五丁以築之假絢節

都淮上諸軍事并護堰作人及戰士有衆二十萬于

鍾離南起浮山北抵巉石依岸以築土合脊于中流

天監十四年堰將合淮水漂疾復決潰用鐵數十萬

舫沉于堰所伐樹為井榦填以巨石加土其工士卒

死者十七八明年四月堰乃成其長九里下濶百四

十丈天監十五年九月淮堰壞死者十餘萬口元

和志浮山堰在招義縣西北六十里與荆山堰同築

淮水又東逕徐縣南歷澗水注之

徐縣故城在今泗州西北三十里古徐國

導徐城西北徐陂陂水南流絕蘄水逕歷澗水西東南流注于淮

淮水又東池水注之

水出東城縣

東城今為定遠縣

東北流逕東城縣故城南

今

遠東南有東城故城漢以數千騎追羽帥二十八騎引東城因

西隕山斬將而去即此處也史記孝惠八年封淮南



厲王子劉賜為國

按史記表孝惠八年封淮南厲王子賜為陽周侯良為東城侯此云

賜誤當作良

地理志王莽更名之曰武城也池水又東北

流歷二山間東北入于淮謂之池口也

淮水又東蘄水注之

水受睢水於穀熟城東北東逕建城縣故城北漢武帝元朔四年封長沙定王子劉拾為侯國王莽之多聚蘄水又東南逕蘄縣縣有大澤鄉陳涉起兵于此篝火為狐鳴處也南則浚水出焉蘄水又東南北八

丈八字疑故溝疑作出馬又東流南疑作東北疑行

長直故瀆出焉又東入夏丘縣東絕潼水逕夏丘縣

故城北又東南逕僮縣南又東流入徐縣東絕歷澗

又東逕徐縣故城南又東流注于淮

淮水又東歷客山逕盱眙縣故城西胡氏作南今盱眙縣東南有盱眙

故城舊志云在盱眙山之麓淮水之濱盱眙山蓋即古之客山也

地理志曰都封疑作都尉治漢武帝元朔元年封江都易

王子劉蒙之為侯國王莽更名之曰武匡淮水又東

逕廣陵歷淮陽城

淮陽城在今清河縣西南屬淮安府寰宇記云在徐城縣東北百五

十里西臨淮水徐城舊泗州治也

北臨泗水岨于二水之間述征記

淮陽太守治自後置戍縣亦有時廢興也

又東北至下邳淮陰縣西泗水從西北來流注之

淮泗之會即角城也左右西川翼夾二水決入之所

所謂泗口也

泗口亦名清口導淮東會于泗沂即是處也今清河縣東南五里有淮陰故城

角城縣故城在清河縣西南去故淮陽城十八里

又東過淮陰縣北中瀆水出白馬湖東北注之

淮水右岸即淮陰也城西二里有公路浦昔素術向
九江將東奔袁譚路出斯浦因以為名焉又東逕淮
陰縣故城北北臨淮水漢高帝六年封韓信為侯國
王莽之嘉信也昔韓信去下鄉而釣于此處也城東
有兩冢西者即漂母冢也周迴數百步高十餘丈昔
漂母食信于淮陰信王下邳蓋投金增陵以報母矣
東一冢即信母冢也縣有中瀆水首受江于廣陵郡
之江都縣

今屬揚州府

縣城臨江應劭地理風俗記曰縣

為一都之會故曰江都也縣有江水祠俗謂之伍相廟也子胥但配食耳歲三祭與五岳同舊水道也昔吳將伐齊北霸中國自廣陵城東南築邳城城下掘深溝謂之韓江亦曰邳原本訛刊溟溝自江東北通射陽

湖

射陽故城在今淮安府山陽縣東南縣西有山陽瀆即古邳溝縣北五里有北神堰即古末口也

地理志所謂築水也

地理志江都有渠水比云築誤

而胡氏作西北至末

口

胡引口下有入字

淮自永和中江都水斷其水上承歐陽

疑訛

引江入埭六十里至廣陵城

廣陵今為揚州府治楚漢之

間為東陽郡高祖六年為荊國十一年為吳城即吳
王濞所築也景帝四年更名江都武帝元狩三年更
曰廣陵王莽郡曰江平縣曰定安

漢志作
安定

城東水上

有梁謂之洛橋中瀆水自廣陵北出武廣湖東陸陽
湖西二湖東西相直五里水出其間下注樊梁湖舊
道東北出至博芝射陽二湖西北出夾耶乃至山陽
矣至永和中患湖道多風陳敏因穿樊梁湖北口下
注津湖逕渡渡十二里方達北口直至夾耶興寧中

復以津湖多風又自湖之南北口沿東岸二十里穿

渠入北口自後行者不復由湖故蔣濟三州論曰淮

湖紆遠水陸異路山陽不通陳

陳下疑有敏字

穿溝更鑿馬

瀨百里渡湖者也自廣陸

胡氏引自工有舊道二字陸當作陵

出山陽

白馬湖逕山陽城西即射陽縣之故城也應劭曰在

射水之陽漢高祖六年封楚左令尹項繆為侯國也

漢表射陽侯劉繆師古曰即項伯也降漢封賜姓劉氏

王莽更之曰監淮亭世

祖建武十五年封子荆為山陽公治此十七年為王

國城本北中郎將庾希所鎮中瀆又東謂之山陽浦
又東入淮謂之山陽口者也

又東兩小水流注之

淮水左逕泗水國南故東海郡也徐廣史記音義曰

泗水國名漢武帝元鼎三年

漢志作四年

初置都郟四年

漢表作二年常上當有封字

常山憲王子思王商為國地理志曰

王莽更泗水郡為順水

漢志作水順

凌縣為生凌凌水注

之水出凌縣

凌縣故城今在宿遷縣東南

東流逕其縣故城東而

東南流注于淮寔曰

疑訛

口也應劭曰淩水出縣西

南入淮即經所謂之

疑衍

小水者也

又東至廣陵淮浦縣入于海

禹貢雖指按今淮安府安東縣治或云即淮浦故城淮

浦舊屬臨淮郡晉改屬廣陵漢志平氏縣下云淮水東南至淮陵入海蓋陰字之誤淮陰去海尚一百四五十里而志云淮陰入海者亦猶江都去海甚遠而蒯氏道下云江水東南至江都入海不言海陵也淮陵作淮陰無疑安東即淮浦亦無疑

應劭曰浦岸也蓋側淮濱故受此名淮水出縣故城

王莽更名之曰淮敬淮水於縣枝分北為游水厯胸

縣與沐合又匡

又下當有選字或匡字是選字

朐山西山側有朐縣

故城秦始皇三十五年於朐縣立石海上以為秦之

東門崔琰述初賦曰倚高艦以周盼兮觀秦門之將

將者也東北海中有大洲謂之郁洲山海經所謂郁

山在海中者也言是山自蒼梧徙此云山上猶有南

方草木令郁州治故崔季

原本訛李

珪之叙述初賦言郁

州者故蒼梧之山也心悅而恠之聞其上有仙士石

室也乃枉

當是往

觀所

所字

見一道人獨處休休然不

談不對顧非已及也即其賦所云吾夕曰疑行濟于

郁州者也游水又北逕東海利城

漢志作成

縣故城之東

故利鄉也漢武帝元朔四年封城陽共王子嬰為侯

國

史表嬰封利鄉侯

王莽更之曰流泉游水又北歷羽山西

地理志曰羽山在祝其縣東南尚書曰堯時曰四岳

得舜進十六族殛鯀于羽山是為禱机與驩兜三苗

共工同其罪故世謂之四凶鯀既死其神化為黃龍

黃龍當作黃龍見晉語韋昭注云能似熊宋庠音釋云乃來反

入于羽淵是為夏郊

三代祀之故連山易曰有崇伯鯀伏于羽山之野者

是也游水又北逕祝其縣故城西

在今淮安府贛榆縣西五里

春

秋經書夏公會齊侯于夾谷左傳定公十年公及齊

平會于祝其實夾谷也服虔曰地二名王莽更之曰

猶亭縣之東有夾口浦游水左逕瑯琊即丘縣故城

之西地理志曰莒子始起于此後徙莒有鹽官故世

謂之南莒也游水又東北逕贛榆縣北

今屬淮安府

東側

巨海有秦始皇碑在山上去年海一百五十步潮水至

加其上三丈去則三尺所見東北傾石長一丈八尺
廣五尺厚三尺八寸一行一十二字游水又東北逕

紀鄆故城南

在今賴榆縣北七十五里

春秋昭公十年齊伐莒莒

子奔紀鄆莒之婦人怒莒子之害其夫老而託訪

當作

紡

焉取其纊而夜緹緹絕鼓譟城上人亦譟莒共公

懼啓西門而出齊遂入紀故紀子帛之國穀梁傳曰
吾伯姬歸于紀者也杜預曰紀鄆地二名東海賴榆
縣東北有故紀城即此水也游水東北入海舊吳之

燕岱常泛巨海憚其濤嶮更汭溯是瀆是由

上下疑有脫文

項本作由是

出地理志曰游水自淮浦北入海爾雅曰淮

別為許游水亦枝稱者也

德清胡渭曰以今輿地言之淮水自桐柏縣南東

逕信陽州北

信陽在汝寧府西南二百七十里水去州四十五里

又東逕羅

山縣北真陽縣南

羅山在州東一百二十里水去縣二十里真陽在府南一百二

十里水去縣八十里淮水舊自碓山縣南流入二縣界元和志云淮水在朗山縣南一百二十里是

也今不入其界

又東逕息縣南

息縣在光州西北九十里春秋息國地水去縣五里

又東逕光山縣北

光山在州西四十五里本春秋弦國水去縣八十里

又東

逕光州北

光州在汝寧東南二百七十里本春秋黃國水去州六十七里

又東逕

固始縣北

固始在州東北一百二十里水去縣七十里縣東南四十里有茹城後漢末揚

州刺史劉馥所築為耕屯之利其後鄧艾等常修治之今故址尚存

又東北逕潁州

南

潁州在江南鳳陽府西四百二十里水去州一百二十里又東十餘里合汝水南岸即霍丘縣

界

又東逕霍丘縣北

霍丘在壽州南一百二十里水去縣四十五里其渡處曰

安風

又東逕潁上縣南

潁上在潁州東一百二十里水去縣二十五里西南

與霍丘分界又東三十五里與壽州分界潁水在縣南門外亦曰沙河東南流至正陽鎮入淮謂之

潁口即春秋之潁尾也鎮在又東逕壽州西北壽縣東南七十五里淮水之西

在鳳陽府少西南一百里水去州二十五里芍陂在州南亦曰期思陂淮南子曰孫叔敖決期思之

水灌雩婁之野即此又東逕懷遠縣南懷遠在府西北七十里水去縣一里流至

城東稍折而北渦水又東逕鳳陽縣北縣為鳳陽夾注之謂之渦口

城十里又東逕臨淮縣北臨淮在府北少東二里又東

北逕五河縣五河在府東北九十里本漢埭縣音貢後漢為虹縣淮水在縣東南二里

有澮汜濞潼四水與淮會為五河口縣取名焉炳翼按明一統志鳳陽府五河縣注縣在府東北

一百一十里有涇澮汜又東泗州南盱眙縣北泗濞淮五河故以名縣

在府東少北二百十里水去州一里有浮橋為南
北要道潘季馴曰淮挾汝潁肥潁等處七十二溪
之水至泗州下流龜山橫截河中故至泗則湧譬
咽喉間湯飲驟下吞吐不及一時呢塞其勢然也
明萬曆十九年泗州大水淮流泛溢高于城溺人
無算浸及祖陵李馴上言水性不可拂河堤不可
弛地形不可強治理不可鑿人欲棄舊以為新而
臣謂故道必不可失人欲支分以殺勢臣謂濁流
必不可分霖淫水漲久常自消也盱眙在州南五
里水去縣二里有長沙洲長二里淮水泛漲賴以
捍禦縣西南一里有上龜山縣東北三十里有下
龜山為龜山鎮其下有運河一名新河川瀆異同
曰泗州與盱眙兩城相距九七里自昔為淮流襟
束之處汴河自河南界流經州城東而合于淮謂
之汴口宋時以此為漕運要衝今惟涓流可辨耳
由州城而東三十里龜山峙焉淮流至此乃益折

而北又二十餘里而洪澤富陵泥墜萬家等湖環
匯于淮之東岸淮水泛溢恒在于此州逼淮而地
下故也按古汴水東流逕彭城縣北而東入于泗
唐貞元中韓愈佐徐州幕有詩云汴水交流郡城
角是其時汴水猶于州城東北隅合泗入淮也不
知何年改流從夏邑永城宿州靈璧虹縣至泗州
西城間而入于淮宋時東南之漕率由此以達京
師南渡後漸湮元泰定初河行故汴渠仍于徐州
合泗水至清口入淮又逕清河縣與泗水合謂之
而泗州之汴河遂廢
清口 清河在淮安府西少北五十里淮水去縣五
里洪澤河在縣南六十里洪澤鎮西長八十
里接盱眙縣界新 又東北逕山陽縣北山陽淮安
志謂之富陵湖 府治射陽
湖古射陂也在縣東南八十里與鹽城寶應分水
高家堰在縣西南四十里後漢建安中太守陳登

防淮此其故址也明永樂初平江伯陳瑄始為築治長六十里清江浦在縣關即新運河也舊名沙

河宋志楚州北有山陽灣淮流浸急每致沉溺雍熙中漕臣劉蟠議開沙河避淮水之險自楚至淮

陰開導凡六十里舟行便之其後淤塞明永樂中陳瑄修治運河乃鑿清江浦引水由管家湖至鴨

陳口達海又東北逕安東縣南又東北入于海安東在府東北


六十里本漢淮浦縣水去縣二里海在縣東五十里自鹽城縣東北經山陽縣東折而西北為淮

水入海之口其北岸則安東也縣志云自縣西三十里顏家渡直下過縣南東流五十里又東北過

雲梯折而入海此導淮會泗沂東入海之故道也自元時

河奪汴泗以入淮而兩瀆并為一瀆清口以東淮

悉成河矣



水經注集釋訂訛卷三十

欽定四庫全書

史部

水經注集釋訂訛卷三十二

詳校官監察御史_臣周元良

刑部郎中_臣許兆椿覆勘

總校官原任中允_臣王燕緒

校對官中書_臣吳裕德

謄錄監生_臣范墉

欽定四庫全書

水經注集釋訂訛卷三十一

歸安沈炳巽撰

洧水

洧水

潁水

濯水

瀕水

瀕水

潁水

洧音峙又音雄

水南陽魯陽縣

今為南陽府魯山縣

西之堯山

洧水源出魯山

洧音雄至葉縣

入沙河

堯之末孫劉累以龍食帝孔甲孔甲又求之不得累

懼而遷于魯縣立堯祠於西山謂之堯山

史記夏本紀陶唐既

衰其後有劉累學擾龍于豢龍氏事孔甲孔甲賜之姓曰御龍氏受豕韋之後龍一雌死以食夏后夏后

使求懼而逃去故張衡南都賦曰奉先帝而追孝立唐祠於

堯山堯山在太和川太和城東北

今在魯山縣西

洧水出焉

張衡南都賦曰其川瀆則洧澧灤澮發源巖穴布濩

漫汗潏沆洋溢

朱本作括

總激急趣箭馳風疾者也洧水

又歷太和川東逕小和川又東溫泉水注之水出北
山七泉奇發炎熱特甚閼駟曰縣有湯水可以療疾

矣湯側又有寒泉焉地勢不殊而炎涼異致雖隆火
盛日肅若氷谷矣渾流同溪南流注漁水又東逕胡
木山東流又會溫泉口水出北山阜炎勢奇毒痾疾
之徒無能澡其衡當作衡漂救養白氏六帖引作瘡者咸去湯

十許步別池然後可入湯側有石銘云皇女湯可以
療萬疾者也故杜彥達云然如沸湯可以熟米飯疑作

飲之愈百病道士清身沐浴一日三飯多少自在四

十日後身中萬病愈三蟲死學道遭難逢危終無悔

心可以牢神存志即南都賦所謂湯谷湧其後者也

然宛縣

今南陽府治南陽縣

有紫山東有一水東西十五里

南北二百步湛然冲滿無所通會冬夏常溫世亦謂

之湯谷也

盛弘之荊州記南陽郡城北有紫山紫山東有一水無所會通冬夏常溫因名湯谷

非魯陽及南陽之縣故也張平子廣言土地所苞明

非此矣渙水又東房陽川水注之水出南陽雒縣西

雒縣故城在南陽府城北八十里

房陽川北流注于渙渙水之北有

積石焉世謂女靈山其山平地介立不連岡以成高

峻石孤峙不託勢以自遠四面壁絕極能靈舉遠望

亭亭狀若單楹棟霄矣北面有如頽落劣

疑訛

得道

疑是通字

步好事者時有扳陟耳渚水又與波水合水出

霍陽西川大嶺東谷俗謂之歇馬嶺川曰廣陽川非也即應劭所謂孤山波水所出也馬融廣成頌曰浸以波澹其水又南逕蠻城下蓋蠻別邑也俗謂之麻城非也波水又南分三川于白亭東而俱南入渚水渚水自下兼波水之通稱也是故闕駟有東北至定

陵入汝之文洿水又東逕魯陽縣故城南城即劉累之故邑也有魯縣居其陽故因名焉王莽之魯山也

昔在于楚文子守之與韓構難戰有返景之誠

淮南子魯

陽子與韓構難戰酣日暮援戈而麾之日為之返三舍

內有南陽都鄉正衛為

牌

疑訛朱本作碑

洿水右合魯陽關水水出魯陽關外分頭

山橫嶺下夾谷東北出入洿洿水又東北合牛蘭水

水發縣北牛蘭山東南逕魯陽城東水側有漢陽侯

焦立碑牛蘭水又東南與柏樹溪水合水出魯山北

硤谷中東南流逕魯山西

明一統志魯山在魯山縣東一百八十里一名露山

高出羣山為一邑巨鎮因以名縣

而南合牛蘭水又東南逕魯山南

關駟曰魯陽縣今其地魯山是也水南注于洧洧水

東逕應城南故應鄉也應侯之國詩所謂應侯順德

者也彭水注之俗謂之小洧水水出魯陽縣南彭山

蟻塢東麓北流逕彭山西下有彭山廟廟前有彭山

碑漢桓帝元嘉三年杜仲長立彭水逕其西北漢安

邑長尹儉墓東冢西有石廟廟前有西石闕闕東有

碑闕南有二師子相對南有石碣二枚石柱西南有
西石羊中平四年立彭水又東北流直應城南而入
漁漁水又左合橋水水出魯陽縣北恃東

疑訛宋本
作北恃山

東南逕應山北又南逕應城西地理志曰故文城縣
之應鄉也周武王封其弟為侯國應劭曰韓詩外傳
稱周成王與弟戲以桐葉為圭曰吾以封汝周公曰
天子無戲言王乃應時而對故曰應侯鄉亦曰應鄉
按呂氏春秋云成王以桐葉為圭以封叔虞非應侯

也汲郡古文殷時已有應國非成王矣戰國范雎所
封邑也謂之應水渙水又東逕犇縣故城北左傳昭
公元年冬楚公子圍使伯州犁城犇是也出于魚齒
山下春秋襄公十八年楚伐鄭次于魚陵涉于魚齒
之下甚雨楚師多凍徒役幾盡晉人聞有楚師師曠
曰不害吾驟歌北風又歌南風南風不競多死聲楚
必無功矣所涉即渙水也水南有漢中常侍長樂太
僕吉侯芭冢冢前有碑基

疑作墓

西枕置城開四門門

有兩石獸墳傾墓毀碑獸淪移人有掘出一獸猶全
不破甚高壯頭去地減一丈許作制甚工左膊上刻
作辟邪字門表塹上疑作土起石橋即時不毀其碑云

六帝四后是諮是諏蓋仕自安帝沒于桓后于時閹
閹擅權五侯暴世割剥公私以事生死夫封者表有
德碑者頌有功自非此徒何用許為石至千春不若
速朽芑墓萬古祇彰誚辱嗚呼愚亦甚矣湮水又東
隄水注之俗謂之秋水非也水有二源東源出其縣

西南踐犢山東崖下水方五十許步不測其深東北
流逕犍縣南又東北屈逕其縣東而北合西流水西
源出縣西南頗山北阜下東北逕犍城西

在今魯山縣東南

又屈逕其縣北東合二水亂流北注于洹漢高祖入
關破南陽太守呂齕于犍東即于是地洹水之陰也

洹水又東南逕昆陽縣故城

昆陽城在葉縣西南北昔漢光武

與王尋王邑戰于昆陽敗之走者相騰踐奔殪百餘
里會大雨如注洹川盛溢虎豹皆股戰士卒爭赴溺

死者以萬數水為不流王邑嚴尤陳茂輕騎皆乘尸而渡矣

東北過潁川定陵縣西北又東過堰縣南東入于汝

汝水東逕西不羹亭南亭北背汝水于定陵城北東

入汝堰縣在南不得過

按漢志潁川有鄧縣此云堰誤鄧縣今屬開封府許州

清水出弘農盧氏縣

今屬河南府

攻離山東南過南陽西鄂

縣西北又東過宛縣南

清水在南陽府城東三里俗名曰白河其源自嵩縣雙鷄嶺東

南流經南陽新野會梅溪洱灌湍諸水留山黃渠栗鴉泗潦刁等河與沁水合流南至襄陽入漢江

清水導源東流逕鄆縣故城北郭仲產曰鄆縣故城

南

在今內鄉縣東有南鄆北鄆二城

在攻離山東鄆舊縣也三倉曰

樊鄧鄆鄆有二城北鄆也漢祖入關下浙鄆即此縣也清水又東南流雒縣之雒衡山東逕百章郭北又東魯陽關水注之水出魯陽縣南分水嶺南水自嶺南流北水從嶺北注故世俗謂此嶺為分頭也其水南流逕魯陽關左右連山揔漢秀木干雲是以張景陽詩云朝登魯陽關峽路峭且深亦司馬芝與母遇

賊處也

魏志司馬芝字子華河內溫人也避亂荊州于魯陽山遇賊同行者皆棄老弱走芝獨坐

守老母賊至以刃臨之芝叩頭曰母老惟在諸君賊曰此孝子也殺之不義遂得免關水厯雉

衡山西南逕皇后城西建武元年世祖遣侍中傅俊

持節迎光烈皇后于清陽俊發兵三百餘人宿衛皇

后道路歸京師蓋稅舍所在故城得其名矣山有石

室甚飾潔相傳名皇后浴室又所幸也關水又西南

逕雉縣故城南昔秦文公之世有陽伯者逢二童

下有

脫訛曰曰彼兩童二雉也得雌者霸雄者王二童鬪

飛化為雙雉光武獲雉于此山以為中興之祥故置

縣以名焉

按晉太康地志云秦文公時陳倉人獵得獸若羆不知名牽以獻之逢二童子童子

曰此名為媚常在地中食死人腦即欲殺之拍挫其首媚亦語曰二童子名陳寶得雉者王得雉者霸陳倉人舍媚逐二童子化為雉雌上陳倉北阪為石秦祠之名陳寶秦欲表其符故以名縣又搜神記云其雄者飛至南陽其後光武起于南陽皆如其言也據此則雉縣置于秦時非光武以為中興之祥故置縣也况前漢地理志南陽郡已關水又屈而東南流注有雉縣則非始于光武明矣

于涓涓水又東南流逕博望縣西北故城東

在今南陽府東

北七里郭仲產曰郡東北一百二里漢武帝置校尉張

騫隨大將軍衛青西征為軍前導相望水草得以不
乏元光六年封騫為侯國地理志曰南陽有博望縣
王莽改之曰宜樂也涑水又東南逕西鄂故城東應
劭曰江夏有鄂故加西也昔劉表之攻杜子緒于西
鄂也功曹伯孝長聞戰鼓之音懼而閉戶蒙被自覆
漸登城而觀言勇可習也九州春秋劉表攻西州州長杜子緒守拒時柏季長
在城中聞兵勢恐入室牽被覆頭攻半日稍出面明日側立而聽一日出問消息三四日負楯親門謂子
緒曰勇可習者也涑水又南涑水注之水出弘農郡盧氏縣

之熊耳山東南逕鄆縣北東南逕方陽城北漢哀帝
四年封南陽太守孫寵為侯國俗謂之房陽川又逕
西鄂縣南水北有張平子墓在今南陽縣界東北石
橋堡崔瑗碑斷石猶存
墓之東側墳有平子碑文字悉是古文篆額是崔瑗
之辭盛弘之郭仲產並云夏侯孝若為郡薄其文復
刊碑陰為銘然碑陰二名乃是崔子玉及陳翕耳而
非孝若悉是隸字二首並存嘗無毀壞又言墓次有
二碑今唯見一碑或是余夏逕驛途疲而莫究矣水

南道側有二石樓相去六七丈雙跂齊竦高可丈七
八柱圓圍二丈有餘石質青綠光可以鑒上鑿櫺承
拱雕簷四柱窮巧綺刺妙絕人工題言蜀郡太守姓
王字子雅南陽西鄂人有三女無男而家累千金父
沒當葬女自相謂曰先君生我姊妹無男兄弟今當
安神立宅翳靈后土冥冥絕後何以彰吾君之德各
出錢五百萬一女築墓二女建樓以表孝思銘云墓
樓下有東平林不近墳墓而不能測其處所矣泫水

又東南流注于涓水世謂之肄水肄涓聲相近非也
地理志曰熊耳之山出三水涓水其一焉東南至魯
陽入沔是也涓水又南逕預山東山上有神廟俗名
之為獨山也山南有魏車騎將軍黃權夫妻二塚地
道潛通其冢前有四碑其二魏明帝立二是其子及
臣吏所樹者也涓水又西南逕史定伯碑南又西為
瓜里津水上有三梁謂之瓜里渡自宛道途東出堵
陽而道方城建武三年世祖自堵陽西入破虜將軍

劉奉

按後漢書當作鄧奉

怨漢掠新野拒瓜里上親搏戰追至

夕陽聚遂斬奉

按後漢書郡國志南陽郡有夕陽聚註云賈復從擊鄧奉追至夕陽聚

郡國志所謂宛有瓜里野津夕陽聚者也阻橋即桓

溫故壘處溫以昇平五年與范汪衆軍北討所營

涓水

朱曰按晉書穆帝本紀桓溫遣諸將討河北在永和五年而范汪傳云桓溫北伐令汪率文武

出梁國以失期免為庶人卒于家本紀范汪之廢則在升平三年與此注互異又西南逕晉

蜀郡太守鄧義山墓南又南逕宛城東其地故申伯

之郡楚文王滅申以為縣也秦昭襄王使白起為將

伐楚取郢卽以此地為南陽郡改縣曰宛王莽更名
郡曰前隊縣曰南陽劉善曰在中國之南而居陽地
故以為名大城西南隅卽古宛城也荊州刺史治故
亦謂之荊州城今南陽郡治大城其東城城內有舊
殿基周二百步高八尺陞階皆砌以青石大城西北
隅有基周一百步高五丈蓋更始所起也地疑作西
三里有古臺高三丈餘魏文帝黃初中南巡行所築
也清水又屈而逕其縣南故南都賦所言清水蕩其

胸者也王莽地皇二年朱鮪等共于城南會諸將設壇燔燎立聖公為天子于斯水上世語曰張繡反公

于疑作與戰敗子昂不能騎進馬于公而昂遇害魏書

曰公征至宛臨涓水祀亡將士歔歔流涕衆皆哀慟涓水又南梅溪水注之水出縣北紫山南逕百里奚故宅奚宛人也于秦為賢大夫所謂迷虞智秦者也梅溪又逕宛西吕城東史記曰吕尚先祖為四岳佐禹治水有功虞夏之際受封于吕故因氏為吕尚也

徐廣史記音義曰呂在宛縣高后四年封昆弟子呂

恕為呂城侯疑即此也

按史記呂后紀四年封呂恕為呂城侯此云恕誤

又

按新蔡縣有大呂小呂亭而未知所是也梅溪又南

逕杜衍縣東故城在西漢高帝七年封郎中王翳為

侯國王莽更之曰閏衍矣土地塾下湍溪是注古人

于安衆竭之令遊水是瀦謂之安衆港世祖建武三

年上自宛遣潁陽侯祭遵西擊鄧奉弟衆

按後漢書祭遵傳云

南擊鄧奉弟終于杜

行破之今云衆恐誤

破之于杜衍進兵涇陽者也梅

溪又南謂之石橋水又謂之汝溪之疑訛流而左注

清水清水之南又有南就聚郡國志所謂南陽宛縣
有南就聚者也郭仲產言宛城南三十里有一城甚
卑小相承名三公城漢時鄧禹等歸鄉餞離處也盛
弘之著荊州記以為三公置余按清水左右舊有二
澁所謂南澁北澁者水側之漬聚在清陽之東北考
古推地則近矣城側有范蠡祠蠡宛人祠即故宅也
後漢末有范曾字子閔為大將軍司馬討黃巾賊至

此祠為蠡立碑文勒可尋夏侯湛之為南陽又為立

廟焉城東有大將軍何進故宅城西有孔嵩舊居嵩

字仲山宛人與山陽范式有斷金契貧無養親賃為

阿

阿下脫里字

街卒遣迎式式下車把臂曰子懷道卒伍

不亦痛乎嵩曰侯嬴賤役晨門卑下之位古人所不

恥何痛之有故其讚曰仲山通達卷舒無方屈身廝

役挺秀含芳

後漢書獨行傳南陽孔嵩與范式友善家貧親老乃變姓名傭為新野阿街里

卒式為荊州刺史行部至新野而嵩為導騎迎式式見而識之呼嵩把臂謂曰子非孔仲山邪對之嘆息

語及平生曰昔與子俱曳長裾遊息帝學吾蒙國恩致位牧伯而子懷道隱身處于卒伍不亦惜乎嵩曰侯羸長守于賤業晨門肆志于抱關子欲居九夷不患其陋貧者士之宜豈為鄙哉較此稍詳故脩錄之

又屈南過涇陽縣東

涇水又南入縣逕小長安司馬彪郡國志曰縣有小長安聚謝沈漢書稱光武攻涇陽不下引兵欲攻宛

至小長安與甄阜戰敗于此涇水又西南逕其縣故

城南桓帝延熹七年封鄧康為侯國

按後漢書后紀桓帝鄧皇后永

康中進入掖庭為采女封兄鄧演為南頓侯演卒子康嗣延熹二年立為皇后四年封后母宣為昆陽更

封康為沘陽侯宣平以康弟統襲封昆陽侯
又封統弟秉為沘陽侯今云康封沘陽誤縣故南

陽典農治後以為沘陽郡省郡復縣避晉簡文諱更

名云陽焉沘水又逕安樂郡北漢桓帝建和六年按

本傳是建和元年封封司徒胡廣為沘陽縣安樂鄉侯今於其

國立樂宅戍郭仲產襄陽記曰南陽城南九十里有

晉尚書令樂廣故宅廣字彥輔也善清言見重當時

成都王廣女壻長沙王猜之廣曰寧以一女而易五

男猶疑之終以憂殞其故居今置戍因以為名

晉書樂廣

傳云成都王
穎廣之壻也

又南過新野縣西

原本訛以此後經文西過鄧縣東及潁水經文一段錯簡于此今刪去

涓水又南入新野縣

今屬南陽府

枝津分派東南出苞隰

衍注右積為陂東西九里南北一十五里陂水所溉

咸為良沃涓水又南與湍水會又南逕新野縣故城

西世祖之敗小長安也姊元遇害上即位感悼姊沒

追謚元為新野節義長公主即此邑也晉咸寧二年

封大司馬扶風武王少子歆為新野郡公割南陽五

屬棘陽蔡陽穰鄧山都封為王

晉書新野王歆傳歆字弘舒武帝太康中

封新野縣公惠帝永寧元年趙王倫篡帝位齊王冏舉義兵歆率所領導冏以勲進封新野郡王據傳則歆之封新野公在太康中非咸寧二年其進封為王乃逆倫既誅之後今注云云似于封公之後即進封為王矣故脩錄文舒

王昶之字見魏志

更立中隔西即郡治

東則民居城西傍清水清水又東與朝水合水出西

北赤石山而東南逕冠軍縣界

故城在今鄧州界

地名沙渠

又東南逕穰縣故城南

穰縣今為南陽府鄧州治故城在州東南二里

楚別

邑也秦拔鄢郢即以為縣秦昭王封相魏冉為侯邑

王莽更名曰豐穰也

按漢志作莽曰農穰

魏荊州刺史治朝水

又東南分為二水一水枝分東北為樊氏陂陂東西
十里南北五里俗謂之凡亭陂陂東有樊氏故宅樊
氏既滅庾氏取其陂故嘯曰陂汪汪下田良樊子失
業庾公昌昔在晉世杜預繼信臣之業復六門之陂
遏六門之水下結二十九陂諸陂散流咸入朝水事
見六門碑六門既陂諸陂遂斷朝水又東逕朝陽縣
故城北而東南注于清水清水又東南與棘水合水

上承赭水

按前漢地理志後漢郡國志南陽郡堵陽縣俱作堵無作赭者又光武本紀建武二

年征南大將軍岑彭率八將軍討鄧奉于堵鄉又朱祐傳建武三年更封堵陽侯亦俱是堵則此注之赭

俱當作堵赭水出棘陽縣北數源並發南流逕小赭鄉謂

之小赭水世祖建武二年成安侯臧宮從擊上赭也

東源方七八步騰湧若沸故世名之騰沸水南流逕

于赭鄉謂之赭水建武二年祭遵引兵南擊董訢于

赭鄉以水氏鄉故有赭陽之名也地理志曰縣有赭

水王莽曰陽城也漢哀帝改為順陽建武二年

按傳是建

武三封更封安陽侯朱祐為赭陽侯赭水縣竭以為陂

東西夾岡水相去五六里古今斷岡

上下疑有訛字

兩舌都

何氏云都字不誤史記夏本紀大野既都孔安國曰水所停曰都

水潭漲

朱本引孫汝澄云古

今斷岡兩舌當作左右斷岡兩舌都水當作潞水岡外下垂陂陀而出者謂之舌蓋削陂陀之土接水連岡築竭止水以成潭漲也云云似屬牽強亦不足憑南北一十餘里水洩南潰

下注為灣灣分為二西為赭水東為滎源赭水參差

流結兩湖故有東陂西陂之名二陂所導俱水枝分

東南至會口入泚是以地理志云泚水赭水皆言入

蔡互受通稱故也二湖流注合為黃水謂所受焉逕
棘陽縣之黃渚聚又謂之為黃渚水者也故謝沈漢
書甄阜等敗光武于小長安東乘勝南渡黃渚水前
營皆阻西川謂臨泚水絕後橋示無還心漢兵擊之
二軍潰溺死黃渚水者二萬人又南逕棘陽縣故城
西應劭曰縣在棘水之陽是知斯水為棘水也漢高
帝七年封莊得臣為侯國按史記年表棘陽莊侯杜得臣此云莊得臣誤後
漢兵起疑訛脫當是起字擊唐子鄉卿一作殺湖陽尉進拔棘

陽鄧晨將賓客會光武于此縣也棘水又南逕新野
縣歷黃郵聚世祖建武三年傳俊岑彭進擊秦豐先
拔黃郵者也謂之黃郵水大司馬吳漢破秦豐于斯
水之上其聚落悉為蠻居猶名之為黃郵蠻棘水自
新野縣東而南流入于涓水謂之為力口也棘力聲
相近當為棘口也又是方俗之音故字從讀變若世
以棘子木為力子之木

此下二十餘行錯簡在三十
三卷江水篇內今據宋本改

正也涓水又東南逕士林東戍名也戍有邸閣水左

有豫章大陂下灌良疇三千許頃也

西過鄧縣東南入于沔

縣故鄧侯吾離之國也楚文王滅之秦以為縣清

疑作

涓水右合濁水俗謂之弱溝水上承白水于朝陽縣

東南流逕鄧縣故城南習鑿齒襄陽記曰楚王至鄧之濁水去襄陽二十里即此水也濁水又東逕鄧塞者即鄧城東南小山也先後名之為鄧塞昔孫文臺破黃祖于其下濁水東流注于涓涓水又南逕鄧塞

東又逕鄆城

今鄆州地

東古鄆子國也蓋鄆之南鄙也昔

巴子請楚與鄆為好鄆人奪其幣即是邑也司馬彪以為鄆之鄆聚矣

潁水出潁強縣

今河南開封汝南地

南澤中東入潁

潁水出潁川陽城縣

故城在今汝南府界

少室山東流注于潁

水而亂流東南逕臨潁縣

今同屬開封府

西北小潁水出焉

東逕臨潁縣故城北潁水又東逕潁陽城北又東逕

潁強縣故城南建武元年

按本傳是建武二年封

世祖封揚化

將軍堅鐔為侯國潁水東為陶樞陂余案潁陽城在潁水南然則此城正應為潁陰城而有潁陽之名者明在南猶有潁水故此城以陽為名矣潁水之南有二瀆其南瀆東南流行厯臨潁亭西東南入汝今無水也疑即潁水之故瀆矣汝水于竒頡城兵朱本作西別東派時人謂以上二十餘行原本說之潁水東北流枝瀆右出世謂之死汝也別汝又東北逕召陵城北在今開封府郾縣東四十里練溝出焉別汝又東汾溝出焉別汝

又東逕征羌城北水南有汾陂俗音糞汾水自別汝
東注而為此陂水積征羌城北四五里方三十里許
瀆左合小瀝水水上承狼陂南流名曰鞏水清陵陂
水自陂東注之東迴又謂之小瀝水而南流注于大
瀝水大瀝水取稱蓋藉瀝汾注而總受巨目矣又東
逕西華縣今屬開封府陳州故城南又東逕汝陽縣故城北
東注于潁

濯水出汝南吳房縣

今為汝寧府遂平縣

西北興山東過其縣北

入于汝

縣西北有堂溪城故房子國春秋定公五年吳王闔閭弟夫概奔楚封之于堂溪故曰吳房也漢高帝八年封莊侯楊武為侯國建武中世祖封泗水王歆子軍為堂溪侯

按後漢書宗室四王傳泗水王歆少子輝封堂溪侯今云軍誤

山溪有

白羊淵淵水舊出山羊漢武帝元封二年白羊出北

淵畜牧者禱祀之俗禁拍手嘗有羊出水野母驚扑

一作仆

自此絕焉淵水下合濯水濯水東逕濯陽縣故

城西東流入瀕水亂流逕其縣南世祖建武元年封

吳漢孫且為侯國

後漢書吳漢傳建武二年封廣平侯子成嗣二十八年分漢封為三

國成子旦為濯陽侯旦弟盱為筑陽侯成弟國為新蔡侯今云吳且誤元年亦誤其水又東

入于汝水

瀕水出無陰縣

漢志作舞陰今南陽府泌陽縣

東上界山

山海經謂之瀕水也郭景純言或曰視宜為瀕出箴

山許慎云出中陽山

漢志作中陰山

皆山之殊目也而東與

此水合水出無陰縣草山

宋本作旱山

東北流注瀕瀕水

又東北殺水出西南大熟一作孰之山東北流入于瀕

瀕水又東淪水注之水出宣山南東流注瀕水山海經作

出宣山東南瀕水又東得奧水口水西出奧山東入

于瀕水也

東過吳房縣南又東過濯陽縣南

應劭曰濯水出吳房縣東入瀕縣之西北即兩川之

交會也

又東過上蔡縣南東入汝

無水出無陰縣西北扶予山東過其縣南

山海經曰朝歌之山無水出焉東流于滎

按山海經當作東南

流注于滎

經書扶予者其山之異名乎滎水上承赭水東

流左與西遼水合又東東遼水注之俱導北山而南
流注于滎滎水又東北于無陰縣北左會無水之道
稍西不出其縣南其故城在山之陽漢光武建武中
封岑彭為侯國漢以為陽山縣魏武與張繡戰于宛
馬名絕景為流矢所中公傷右臂引還無陰即是地

也城之東有馬仁陂郭仲產曰陂在泚陽縣

縣下當有脫文

五十里蓋地百頃其所周溉田萬頃隨年變種境無

儉歲陂水三周其隍故瀆自隍西南而會于泚無水

不得復逕其南也且邑號無陰故無出南之理出南

則為陽也非直不究又不思矣無水又東北河水注

之

按漢書地理志南陽郡雒縣注云衡山澧水所出東至鄧入汝此河水誤當作澧水

雒水出雒

衡東山南逕建城東建當為卷字讀誤耳郡國志云

葉縣有卷城其水又東流入于無無水東北逕于東

山西西流入澠澠水之左即黃城山也水出黃城山

東北逕方城郡國志曰葉縣有方城郭仲產曰苦菜

于東

疑有說脫

之間有小城名方城東臨溪水尋此城致

號之由當因山以表名地

疑說或作也當連工

苦菜即黃城也

按明一統志河南南陽府黃城山注云一名苦華此云苦菜未知孰是

及于東通為方

城矣世謂之方城山水東流注澠水故地理志曰南

陽葉方城邑西有黃城山是長沮桀溺耦耕之所有

東流水則于路問津處尸子曰楚狂接輿耕于方城

蓋于此也盛弘之云葉東界有故城始顰縣東至觀
水達沘陽界南北聯絡數百里號為方城一謂之長
城云酈縣有故城一面未詳里數號為長城即此城
之西隅其間相去六里御覽及宋本俱作六百里若南北雖無基
築皆連山相接而漢水流其南故屈完答齊桓公云
楚國方城以為城漢水以為池郡國志曰葉縣有長
城曰方城指此城也無水又東北歷舞陽縣故城南
漢高祖元年按表當是六年封樊噲為侯國也

又東過西平縣北

今屬汝寧府

縣故栢國也春秋左傳所謂江黃道栢方睦于齊也漢曰西平其西呂壻即西陵亭也西陵平夷故曰西平漢宣帝甘露三年封丞相于定國為侯國王莽更之曰新亭晉太康地理志曰縣有龍泉水可以砥礪刀劍特堅利故有堅白之論矣是以龍泉之劍為楚寶也縣出名金古有鐵官

又東過郿縣南

郾縣故城去此遠矣不得過

又東過定潁縣北東入于汝

漢安帝永初二年分汝南郡之上蔡縣置定潁縣延

光中以陽翟郭鎮之為尚書令封定潁侯即此邑也

按後漢書郭躬傳躬弟子鎮延光中為尚書及中黃門孫程誅中常侍江京等而立濟陰王鎮率羽林士擊殺衛尉閹景以成大功遷尚書令封定潁侯則鎮之封乃順帝既立之後非安帝延光中也今云延光中為尚書令封定潁侯誤

潁水出蔡陽縣

今為湖廣襄陽府棗陽縣明一統志潁水在德安府西北源出陪尾山石巖下

達城西南隅東流
入漢江俗稱府河

湏水出縣東南大洪山山在隋郡之西南竟陵之東

北槃基所跨廣圓一百餘里峯曰懸鉤處平懸

疑作原

衆阜之中為諸嶺之秀山下有石門夾鄣層峻巖高

皆數百許仞入石門又得鍾乳穴穴上素崖壁立非

人跡所及穴中多鍾乳凝膏下垂望齊冰雪微津細

液滴漉不斷幽穴潛遠行者不極窮深而穴內常有

風勢

疑說一作
勢亦疑說

火無能以經久故也湏水出于其陰

初流淺狹遠乃寬廣可以浮舟楫巨川矣時人以湏

水所導故亦謂之為湏山矣湏水東北流合石水石

水出大洪山

明一統志大洪山在德安府隨州城西一百二十里相傳為慈忍盧尊者道場

其山崛起一方巉然雲間四面陡險絕頂有大湖湖旁有龍門岩又有明聖泉流黃池仙女洞佛光殿諸

勝東北流注于湏謂之小湏水而亂流東北逕上唐

縣故城南本蔡陽之上唐鄉舊唐侯國春秋定公三

年唐成公如楚有兩肅霜馬子常欲之不與止之三

年唐人竊馬而獻

原本訛壓

之子常歸唐侯是也湏水又

東均水注之水出洪山東北流逕土山北山上

上下疑有

訛字土山又東北流入于瀆水瀆水又屈而東南流

東南逕隋縣西

今為德安府隋州及應山等縣地

縣故隋國矣春秋左傳所謂漢東之國隋為大者也

楚滅之以為縣晉武太康中立為郡有澹水出縣西

北黃山南逕澹西縣西又東南澹水入焉

在隋州西北流入瀆

水澹水出桐柏山之陽呂忱曰水在義陽澹水東南

逕澹西縣西又東南流于澹澹水又東南逕隋縣故

城西春秋魯莊公四年楚武王伐隋令鬬左傳作令尹祁

莫敖屈重除道梁澹軍臨于隋謂此水也在隋州東南水

側有斷蛇丘隋侯出而見大蛇中斷因舉而藥之故

謂之斷蛇丘後蛇銜明珠報德世謂之隋侯珠亦曰

靈蛇

原本

珠

高誘淮南子注云隋侯見大蛇傷斷以藥傳而塗之後蛇以大江中銜珠以報

因曰隋侯之珠

邱南有隋季良

左傳作梁

大夫池其水又南與義

井水合水出隋城東南井泉嘗湧溢而津注冬夏不

異相承謂之義井下流合澹澹水又南流注于瀕瀕

水又會于支水水源亦出大洪山而東流注于潁潁
水又逕隋縣南隋城山北而東南注

又南過江夏安陸縣西

今屬德安府

隋水出隋郡永陽縣東石龍山西北流南廻逕永陽
縣西歷橫尾山即禹貢之陪尾山也遼水又西南至
安陸縣故城西故鄢城也因岡為墉峻不假築潁水
又南逕石巖山北昔張昌作亂于其下籠絳鳳以惑
衆晉太安二年鎮南將軍劉弘遣牙門皮初與張昌

戰於清水昌敗追斬于江夏

晉書劉弘傳太安中張昌作亂以弘為南蠻校

尉荊州刺史率前將軍趙驤等討昌自方城至宛新野所向皆平遣牙門將皮初為督戰帥進據襄陽累戰破昌前後斬首數萬級昌懼而逃竄于下雋山弘遣軍討斬之即春秋左傳定公

四年吳敗楚于柏舉從之及于清發蓋

疑訛當有脫

涓水

又東南流而右會富水水出竟陵郡新市縣東北大

陽山水有二源也大富水出山之陽南流而左合小

富水小富水出山之東而南逕三王城東前漢末王

匡王鳳王常所屯故謂之三王城城中有故碑文字

關落不可復識其水屈而西南流右合大富水俗謂

之大泌水也又西南流逕杜城西

漢志江夏郡有雲杜縣疑漏雲字

新市縣治也郡國志以為新市也中山有新市故此
加南分安陸立縣又王匡中興初舉兵于縣號曰新
市兵也富水又東南流于安陸界左合土山水世謂
之章水水出土山南逕隨郡平林縣故城西俗謂之
將陂城與新市接界故中興之始兵有新市平林之
號又南流右入富水富水又東入于涓涓水又逕新

城南永和五年晉大司馬桓溫築湏水又會溫水溫
水出竟陵之新陽縣東澤中口徑二丈五尺垠岸重
沙端淨可愛靖以察之則淵泉如鏡聞人聲則揚湯
奮發無所復見矣其勢可以燭雞洪濶百餘步冷若
寒泉東南流注于湏水又右得潼水水出江夏郡之
曲陵縣按漢志江夏郡有西陵無曲陵恐當作西陵為是西陵今為德安府雲夢縣西北
潼山東南流逕其縣南縣治石潼故城城圓而不方
東入安陸注于湏水

又東南入于夏

潁水又南分為二水東通潏水西入于沔謂之潁口也

水經注集釋訂訛卷三十一